

Yungzsuij Vunzmbanj Banh Lijyouzyez Caezgya Doxrag Buet Roen Fouq

融水村民办旅游业 集体抱团奔富路

11 nyied 23 hauh, Liujcouh Si Yungzsuij Myauzcuz Swciyen Dalang Cin Dungzlij Cunh Mbanjdoenghlouz nauhyied dangqmaz, ngoenzhaenx dwg gyoengq nungzminz aen mbanj neix gag banh aen Yadunggouh lijyouz haifat fouzhanh gunghsw haenx cingqsik venjbaiz.

Yadunggouh Gujcinghsanh gingjih menciz miz 450 moux, baenz bi cungj dwg rij saw bya heu gingjsaek gyaendei, miz raemxdiuqdan goeprin、raemxdiuqdan lungziq、raemxdiuqdan caetdachsien daengj 9 aen swyenz geizheih daegbied gingjvanh, lijyouz swhyenz youh ndei youh lai, miz gij angq gij yawj gig yinx, dwg gizdieg seizhah ndojndit youqndwi yietnaiq ndei he.

Aen gunghsw neix dwg youz aen Mbanjdoenghlouz 120 hoh vunzmbanj gag comz ngaenz banh, moix hoh haeujgij it fanh maenz. Aen gunghsw neix laebbaenz, dwg cungj hingzik moq cingcinj fuzbinz moq he, ndaej bang gyoengq vunzgungz haemq vaiq vut gungz.

(Veiz Swyouz/韦仕尤)



▲ Gunghsw laebbaenz venjbaiz yizsi.



▲ Venjbaiz yizsi sat le, gyoengq noengzhoh gag yienj gag angq.



▲ Sizsiz lauxsae fujdauj gyoengq hagseng.

Gvangsiah Swhyen 2015 Gaep Ban Cuengh Gun Gensiz Hozdung Ndeindiq Guhsat

广西师院 2015 级 壮汉
双语班 见习活动 圆满完成

11 nyied 14 hauh, gyoengq hagseng ban Cuengh Gun Gvangsiah Swhyen Cuhdwnj Gyauryz Yozyen 2015 gaep siujyoz gyauryz conhyez, youz Lij Yen、Bungz Ginj lauxsae daiqlingx, bae daengz Gvangsiah Swfhan Yozyen fusuz sizyen yozyau, guh gyauryz gensiz hozdung aen singhiz ndeu.

Youq gensiz seiz, aen hagdangz neix gawjhengz le gyauryz gyauryz gyangico, lauxsae hwnj sifango caeuq siuhfangz sanqdeuz yienjlien daengj hozdung. 18 hauh banhaet, gyoengq gensiz hagseng baijok song boux daiqbiuj hwnj dangzgoq veibau. Youq gwnzdangz, gensiz hagseng ndaej cungfaen dang ndei gij bouxgiek cujci, dazyinx caeuq doxgap de, hawj gyoengq siujhagseng youq ndaw hozdung damqra caeuq roxyiuj cihsiz moq. Gij biujyienh gyoengq gensiz hagseng ndaej daengz gyoengq lauxsae aen gensiz hagdangz neix bingzgyaq gig ndei.

(Cau Yangzmeiz/赵杨梅 Vangz Yingjiz/黄颖怡)



▲ Sizsiz sat le caezgya ingj mbaw siengq he.

Libuj “Gou Vih Ranzmbanj Gangjvah” Hozdung Dingh Aeu 8 Boux Vunzdingjangj

荔浦“我为家乡代言”活动决出 8 位代言人



▲ Gou vih ranzmbanj dingjangj.

11 nyied 23 hauh, Libuj Yen dangjeiz yinx loh·densangh fuzbinz “Gou vih ranzmbanj gangjvah” swnggaep hozdung ginggvaq haenqhwd doxdax le, daj ndawde senj ndaej 8 boux vunz okdaej vih ranzmbanj guh vunzdingjangj, daengzseiz 8 boux vunz neix yaek camgya densangh cizboh hozdung, vih gij Bieklubuj、mak-gamdiengz daengj daegsaek nungz-canjbij gangjvah.

(Couh Cinyen/周俊远)

Fwenvuengz Baedaengz Lozcwngz Ciengqyiengj Bingzan

歌王走进罗城唱响平安

11 nyied 18 hauh, youq Lozcwngz Mulaujcuz Swciyen minzcuz vwnzva gvangicangz, “eu fwen ciengqyiengj bingzan Hozciz” cetcunz senhconz hozdung cingq youq gizhaenx yienjok. Mbat hozdung neix dwg iucingj Gvangsiah fwenvuengz yungh cungj vunzlai gyaey yawj haengj dingq eu fwen cungj hingzik neix ma senhconz bingzan Hozciz、fazci Hozciz, caenh’itbous gyagiengz hong cwngefaz cunghci sinfangj veizvwnj fanj cezgyau, daezsang gyoengq vunzlai fazci yisiz, hawj bouxboux cungj rox hong bingzan caeuq daej camgya hong bingzan, caepguh caezgya yiengjsouh cungj hong an’ onj gwziz neix.

(Vuz Siuhyi/吴修奕)



▲ Fwenvuengz caez eu fwen ciengq-yiengj bingzan Lozcwngz.